



Pou Piblikasyon Imedya: 05/04/2021

GOUVÈNÈ ANDREW M. CUOMO

**GOUVÈNÈ CUOMO ANONSE LANSMAN KANPAY "ROLL UP YOUR SLEEVE "
NAN TOUT ETA A EPI ANKOURAJE NOUYÒKÈ KI GEN 16 AN AK PLIS, KI
KALIFYE POU VAKSEN COVID-19 LA POU PWOGRAAME YON RANDEOU POU
MADI 6 AVRIL**

***Gouvènè a lanse kanpay piblisité "Roll Up Your Sleeve" la pou ankouraje
Nouyòkè ki soti nan katye ki pi frape yo pou yo pran vaksen an***

Piblisite yo ap kòmanse pase 7 avril nan tout Eta a

***Nouyòkè ki gen laj omwen 16 ane ka kòmanse pran randevou epi pran vaksen an
kòmanse nan dat 6 avril***

***Eta New York pral fè elijibilite a vin inivèsèl prèske yon mwa pi bonè pase dènye
delè premye me Prezidan Biden lan***

Gouvènè Andrew M. Cuomo te anonse jodi a kòmansman [kanpay piblisité "Roll Up Your Sleeve \(Retrouve Manch ou\)"](#) a pou ankouraje tout Nouyòkè, espesyalman sila yo ki soti nan katye kote COVID la te pi devastatè yo, pou pran vaksen an. Piblisite yo ap difize sou televizyon ak anliy nan tout Eta a apati 7 avril. Se senaris Contagion an, Scott Burns, ki te dirije piblisite yo, epi yo te filme yo nan Fakilte Sante Piblik Mailman Invèsite Columbia (Columbia University Mailman School of Public Health) Vil New York la. Efò sa vini pandan elijibilite inivèsèl pou vaksen kont COVID-19 la ap antre an vigè epi tout Nouyòkè ki gen 16 ane ak plis elijib pou resevwa vaksen an apati 6 avril. Sa vini prèske yon mwa pi bonè pase dat limit premye me Prezidan Biden lan pou Eta yo te adopte elijibilite inivèsèl la.

"Vaksen an se zam k ap genyen lagè a, men sèlman si nou tout pran li, e apati 6 avil, tout Nouyòkè ki gen laj 16 an oswa plis ap kapab vaksinen," **Gouvènè Cuomo te deklare.** "Depi kòmansman faz enpòtan sa a nan lit nou an kont COVID la, nou te fè li premye priyorite nou pou pote vaksen an bay kominote ke viris la te frape pi fò yo, epi avèk kanpay 'Roll Up Your Sleeve' la, nou ap ede asire ke okenn kominote pa rete dèyè nan pwosesis distribisyon vaksen an. Pliske elijibilite inivèsèl la ap antre anvigè, nou ap kontinye travay ak lidè lokal yo pou asire ke tout Nouyòkè gen aksè nan sit vaksinasyon nou yo. Mwen vle raple chak moun tou ke elijibilite inivèsèl pou vaksen an pa vle di nou reprann bagay yo kòm dabitud. Verite a sèke plizyè milyon vwazen nou yo toujou bezwen pran piki pa yo a, epi nou toujou nan yon kous apye kont pouvantaj

enfeksyon an, kidonk li enperatif pou nou pa bese vijilans nou epi pou nou kontinye egzèse pwotokòl sekirite yo."

Gwo rezo distribisyon ak gran kantite popilasyon moun ki elijib New York yo toujou lajman depase kantite apwovizyonman ki soti nan gouvènman federal la. Piske apwovizyonman an limite, nou ankouraje Nouyòkè yo pou yo rete pasyan epi nou konseye yo pou yo pa prezante nan sit vaksinasyon yo san randevou. Apati kounye a, moun ki gen laj 16 ak 17 ane ka resevwa vaksen Pfizer a sèlman.

Nouyòkè yo ka pwograme yon randevou nan yon sit vaksinasyon an mas Eta a ap jere a sou sitwèb '[Am I Eligible](#)' (Èske Mwen Elijib) la. Nouyòkè yo kapab rele depatman sante, famasi, doktè, oswa lopital lokal yo pou yo jwenn plis enfòmasyon ak pou yo pwograme randevou yo kote vaksen yo disponib.

###

Lòt nouvèl disponib sou sit www.governor.ny.gov
Eta New York | Chann Egzekitif | press.office@exec.ny.gov | 518.474.8418

[ANILE ENSKRIPSYON OU](#)